

ՀԱՍՏԱՏՎԱԾ Է
«Հայաստանի ավտոապահովագրողների բյուրո»
ԻԱՍ խորհրդի
01/12/2011թ թիվ 74-Լ որոշմամբ

«Հայաստանի ավտոապահովագրողների բյուրո»
ԻԱՍ խորհրդի նախագահ

----- Ներսես Երիցյան

ԳՐԱՆՑՎԱԾ Է
(վերջին փոփոխությունը գրանցված է)
ՀՀ կենտրոնական բանկում

«21» դեկտեմբերի 2011թ
ՀՀ կենտրոնական բանկի նախագահ

----- Արթուր Ջավադյան

ԿԱՆՈՆՆԵՐ RL 1-009

«ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ» ԻՐԱՎԱԲԱՆԱԿԱՆ ԱՆՁԱՆՑ ՄԻՈՒԹՅԱՆ

| **(2012 ԹՎԱԿԱՆԻ ՀԱՄԱՐ** ԱՊՊԱ ՈԼՈՐՏՈՒՄ ՀԻՄՆԱԿԱՆ ԵՎ ԲԱԶՄՅԻՆ
ԱՊԱՀՈՎԱԳՐԱՎՃԱՐՆԵՐԻ ՆՎԱԶԱԳՈՒՅՆ ԵՎ ԱՌԱՎԵԼԱԳՈՒՅՆ ՍԱՀՄԱՆԱԶԱՓԵՐԻ ԵՎ
ՌԻՍԿԱՅԻՆ ԳՈՐԾԱԿԻՑՆԵՐԻ ԹՈՒՅԼԱՏՐԵԼԻ ԱՐԺԵՔՆԵՐԻ ՉԱՓԸ)

1. ԱՊՊԱ ոլորտում հիմնական ապահովագրավճարների նվազագույն և առավելագույն սահմանաչափերն են՝ տարեկան համապատասխանաբար 31848 և 33122 Հայաստանի Հանրապետության դրամը:

2. ԱՊՊԱ ոլորտում մեկ տարի ժամկետով կնքվող պայմանագրերի գծով բազային ապահովագրավճարների նվազագույն և առավելագույն սահմանաչափերն են՝ համապատասխանաբար 19000 և 110000 Հայաստանի Հանրապետության դրամը:

3. Մեկ տարուց պակաս ժամկետով կնքվող ԱՊՊԱ պայմանագրերի համար բազային ապահովագրավճարների նվազագույն և առավելագույն սահմանաչափերը հաշվարկվում են սույն կանոնների 2-րդ կետով սահմանված սահմանաչափերի նկատմամբ՝ կիրառելով Հավելվածի աղյուսակով նախատեսված համապատասխան գործակիցները:

4. ԱՊՊԱ ոլորտում ռիսկային գործակիցների թույլատրելի չափերն են՝

1) «ավտոտրանսպորտային միջոցի շահագործման տարեկան ինտենսիվություն» ռիսկային գործոնի համար՝ 1,00.

2) «ավտոտրանսպորտային միջոցի տիպ (տեսակ/մակնիշ)» ռիսկային գործոնի համար՝ ըստ ռիսկայնության հետևյալ դասերի՝

ա. մոտոտրանսպորտի համար՝ 0,58.

բ. թեթև մարդատար, միկրոավտոբուս՝ 1,00.

գ. բեռնատար (ներառյալ բեռնաուղևորատար)՝ 1,12.

դ. ավտոբուս, տրոլեյբուս՝ 1,1.

ե. այլ (տրակտոր և այլն)՝ 0,59.

3) «ավտոտրանսպորտային միջոցի շահագործման հիմնական վայր (շրջան)» ռիսկային գործոնի համար՝ 1,00.

4) «ավտոտրանսպորտային միջոցի օգտագործման ձև (նպատակ)» ռիսկային գործոնի համար՝ ըստ ռիսկայնության հետևյալ դասերի՝

ա. անձնական՝ 1,00.

բ. այլ (ծառայողական, առևտրային օգտագործման, հանրային տրանսպորտ (բացառությամբ երթուղային տաքսիների) և այլն)՝ 1,03, ընդ որում, ավտոբուս, տրոլեյբուս և բեռնատար տեսակի ավտոտրանսպորտային միջոցներն ընդգրկվում են սույն ռիսկայնության դասի մեջ՝ անկախ իրենց օգտագործման ձևից (նպատակից).

գ. տաքսի, վարձակալություն, հանրային տրանսպորտ (երթուղային տաքսիների մասով)՝ 1,44, ընդ որում, մոտոտրանսպորտ և այլ (տրակտոր և այլն) տեսակի ավտոտրանսպորտային միջոցները չեն ընդգրկվում սույն ռիսկայնության դասի մեջ՝ անկախ իրենց օգտագործման ձևից (նպատակից).

5) «ավտոտրանսպորտային միջոցի հզորություն (շարժիչի ծավալ/քաշ)» ռիսկային գործոնի համար՝ ըստ ռիսկայնության հետևյալ դասերի՝

ա. Մինչև 80 (ներառյալ) ձիաուժ՝ 0,80, իսկ բեռնատար տեսակի ավտոտրանսպորտային միջոցների համար՝ 0,71.

բ. 81-140 ձիաուժ, իսկ բեռնատար տեսակի ավտոտրանսպորտային միջոցների համար՝ նաև 140 ձիաուժից ավել՝ 1,00.

գ. 141-230 ձիաուժ (բացառությամբ բեռնատար տեսակի ավտոտրանսպորտային միջոցների)՝ 1,27.

դ. 230 ձիաուժից ավել (բացառությամբ բեռանատար տեսակի ավտոտրանսպորտային միջոցների)՝ 1,45.

6) «ապահովադրի և (կամ) ապահովագրված անձի տարիք և վարորդական ստաժ» գործոնների համար՝ ըստ ռիսկայնության հետևյալ դասերի՝

ա. Մինչև 23 տարեկան և մինչև 3 տարվա վարորդական ստաժ՝ 1,47.

բ. Մինչև 23 տարեկան և 3 և ավելի տարվա վարորդական ստաժ՝ 1,36.

գ. 23 և ավել տարեկան և մինչև 3 տարվա վարորդական ստաժ՝ 1,09.

դ. 23 և ավել տարեկան և 3 և ավելի տարվա տարվա վարորդական ստաժ՝ 1,00.

ե. չսահմանափակված շրջանակի լիազորված տիրապետողներ՝ 1,60.

7) ապահովադրի և (կամ) ապահովագրված անձի վթարավտանգության աստիճանի վրա ազդող նրա առողջական վիճակի հետ կապված գործոնների համար՝ 1,00:

5. Բազային ապահովագրավճարի հաշվարկում որպես ավտոտրանսպորտային միջոցին վերաբերող լրացուցիչ գործոն նախատեսել «Կցորդի առկայություն (բացառությամբ գյուղատնտեսական նշանակության կցորդների)» ռիսկային գործոնը՝ ըստ ռիսկայնության հետևյալ դասերի և ռիսկային գործակիցների թույլատրելի չափերի՝

1) անձնական կամ այլ (ծառայողական, առևտրային օգտագործման, հանրային տրանսպորտ (բացառությամբ երթուղային տաքսիների) և այլն) նպատակներով օգտագործվող թեթև մարդատար ավտոմոբիլին, միկրոավտոբուսին կամ մինչև 80 ձիաուժ շարժիչի հզորություն ունեցող բեռնատար (ներառյալ բեռնաուղևորատար) տեսակի ավտոտրանսպորտային միջոցին կցված կցորդ՝ 1.11.

2) տաքսի, վարձակալություն, հանրային տրանսպորտ (երթուղային տաքսիների մասով) նպատակով օգտագործվող թեթև մարդատար ավտոմոբիլին կամ միկրոավտոբուսին կցված կցորդ՝ 1.08.

3) 81 և ավելի ձիաուժ շարժիչի հզորությամբ բեռնատար (ներառյալ բեռնաուղևորատար) տեսակի ավտոտրանսպորտային միջոցին կցված կցորդ՝ 1.19.

4) այլ (տրակտոր և այլն) ավտոտրանսպորտային միջոցին (անկախ դրա օգտագործման նպատակից) կցված կցորդ՝ 1.20,

5) կցորդի բացակայություն՝ 1.00:

6. ԱՊՊԱ սակագնի կառուցվածքում բեռնվածության չափը կազմում է 22-25 տոկոս:

7. Մեկ տարի ժամկետով կնքվող ԱՊՊԱ պայմանագրի համար հաշվարկված բազային ապահովագրավճարները կլորացվում են մինչև հազարերորդական նիշ՝ կլորացման նիշ ընդունելով 500-ից մեծ կամ փոքր մեծությունը:

8. «Հայաստանի ավտոապահովագրողների բյուրո» ԻԱՄ անդամ ապահովագրական ընկերություններն իրենց կողմից ԱՊՊԱ ոլորտում կիրառվող ապահովագրավճարների հաշվարկման մեթոդաբանությամբ սահմանում են սակագներ՝

1) մեկ տարի ժամկետով կնքվող ԱՊՊԱ պայմանագրերի համար,

2) մեկ տարուց պակաս ժամկետով կնքվող ԱՊՊԱ պայմանագրերի համար,

3) ապահովագրավճարի տարաժամկետ վճարման կարգ նախատեսող ԱՊՊԱ պայմանագրերի համար:

9. Պայմանագրի գործողության ընթացքում տվյալ ավտոտրանսպորտային միջոցի օգտագործման հետևանքով երկու կամ ավելի ապահովագրական պատահար տեղի ունենալու դեպքում, որոնց համար ԱՊՊԱ գծով վճարված ապահովագրական

հատուցումների ընդհանուր գումարը գերազանցում է 10 500 000 Հայաստանի Հանրապետության դրամը, ապահովագրական ընկերությունն իրավունք ունի պահանջել լրացուցիչ ապահովագրավճար՝ առավելագույնը ԱՊՊԱ պայմանագրում նշված ապահովագրավճարի 100 տոկոսի չափով՝ հաշվարկված ԱՊՊԱ պայմանագրի չլրացած օրերի համար:

10. Սույն կանոնների 9-րդ կետով նախատեսված պահանջը ապահովագրական ընկերությունն ապահովադրին կամ նրա ներկայացուցչին ներկայացնում է գրավոր՝ առձեռն հանձնելու (ստացման մասին ստորագրությամբ) կամ նրա հասցեով պատվիրված նամակ ուղարկելու միջոցով՝ հետպատասխան տեղեկացմամբ: Սույն կետով նախատեսված ծանուցման մեջ պետք է նշվի սահմանված ժամկետում ապահովադրի գրավոր համաձայնությունը չտրամադրվելու կամ բացասական պատասխան տալու դեպքում սույն կանոնների 11-րդ և 12-րդ կետերով նախատեսված հետևանքների առաջացման մասին:

11. Ապահովադրի կողմից սույն կանոնների 9-րդ կետով նախատեսված պահանջի հետ ապահովադրի գրավոր անհամաձայնությունն ստացվելու դեպքում ապահովագրական ընկերությունն իրավունք ունի վաղաժամկետ լուծել ԱՊՊԱ պայմանագիրը: Ընդ որում, սույն կետի իմաստով ապահովադրի անհամաձայնությունը համարվում է ստացված, եթե սույն կանոնների 10-րդ կետով նախատեսված պահանջին տեղեկանալու մասին ստորագրությունը (հետպատասխանը) ստացվելու պահից՝ 10 աշխատանքային օրվա ընթացքում, ապահովադիրը չի տալիս լրացուցիչ ապահովագրավճար տրամադրելու վերաբերյալ իր գրավոր համաձայնությունը:

12. Սույն կանոնների 11-րդ կետով նախատեսված կարգով ԱՊՊԱ պայմանագրի վաղաժամկետ դադարեցման դեպքում՝ տվյալ ապահովադրի հետ մինչև 2013 թվականի հունվարի 1-ը նոր ԱՊՊԱ պայմանագիր կնքելիս ապահովագրական ընկերությունները կարող են չկիրառել սույն կանոններով նախատեսված հիմնական և բազային ապահովագրավճարների առավելագույն սահմանաչափերը: Սույն կետով նախատեսված ապահովադիրների համար սահմանված ապահովագրավճարի չափը չի կարող գերազանցել 1-8-րդ կետերի համաձայն տվյալ ապահովադրի և ավտոտրանսպորտային միջոցի համար (հաշվի առնելով բոլոր ռիսկային գործոնները, պայմանագրի ժամկետը և ապահովագրավճարի վճարման կարգը) ապահովագրական ընկերության կողմից հաշվարկված ապահովագրավճարի 200 տոկոսը:

«2012 թվականի համար ԱՊՊԱ ոլորտում հիմնական և բազային
ապահովագրավճարների նվազագույն և առավելագույն սահմանաչափերի
և ռիսկային գործակիցների թույլատրելի արժեքների չափը» կանոնների

Ապահովագրության ժամկետ	Մեկ տարուց պակաս ժամկետով կնքվող ԱՊՊԱ պայմանագրերի գծով բազային ապահովագրավճարների նվազագույն և առավելագույն սահմանաչափերի հաշվարկման համար կիրառվող գործակիցներ
11 ամսից մինչև 1 տարի	1
10 ամսից մինչև 11 ամիս ներառյալ	0.95
9 ամսից մինչև 10 ամիս ներառյալ	0.85
8 ամսից մինչև 9 ամիս ներառյալ	0.77
7 ամսից մինչև 8 ամիս ներառյալ	0.7
6 ամսից մինչև 7 ամիս ներառյալ	0.65
5 ամսից մինչև 6 ամիս ներառյալ	0.6
4 ամսից մինչև 5 ամիս ներառյալ	0.5
3 ամսից մինչև 4 ամիս ներառյալ	0.4
2 ամսից մինչև 3 ամիս ներառյալ	0.33
1 ամսից մինչև 2 ամիս ներառյալ	0.25
16 օրից մինչև 1 ամիս ներառյալ	0.2
11 օրից մինչև 15 օր ներառյալ	0.15
10 օր	0.1